



Tungkol saan ang modyul na ito?

Ang modyul na ito ay tungkol sa Karapatan ng mga Bata na dapat nilang tinatamasa sa araw-araw upang lumaking malusog at ipinagmamalaki ng ating lipunan. Ang kaalaman at pagkilala sa karapatan ng mga bata ay napakahalaga sapagkat sinasabi nga na “Ang Kabataan ang Pag-asa ng Bayan”.

Ang modyul na ito ay nahahati sa tatlong aralin:

Aralin 1 - Ang Karapatan at Tungkulin ng mga Bata

Aralin 2 - Karapatan Ko . . . Ipaglaban Mo

Aralin 3 - Ang Pangangalaga sa Karapatan ng mga Bata



Ano-ano ang matutuhan mo sa modyul na ito?

Pagkatapos mong pag-aralan ang modyul na ito, inaasahang magagawa mo na ang sumusunod:

- nasasabi ang mga karapatan ng isang bata
- naipaliliwanag ang mga tungkulin ng Batang Pilipino
- naiisa-isa ang mga paglabag sa karapatan ng mga bata at ang mga paraan para mabawasan o mahinto ang mga ito
- natutukoy ang institusyong nangangalaga sa karapatan ng mga bata.



Ano-ano na ang alam mo?

Panuto: Isulat sa sagutang papel ang tsek (✓) kung ang sumusunod na pahayag ay karapatan ng bata at ekis (✗) kung hindi.

- _____ 1. Maipanganak nang maaga
- _____ 2. Mabigyan ng edukasyon
- _____ 3. Makapaglaro at makapaglibang
- _____ 4. Magtrabaho sa minahan
- _____ 5. Magtinda ng sampaguita araw-araw
- _____ 6. Ipasok na kasambahay sa Maynila
- _____ 7. Mabigyan ng kalinga ang mga may kapansanan
- _____ 8. Magtrabaho sa labas ng bahay kung gabi
- _____ 9. Dagliang pagtugon sa oras ng kalamidad
- _____ 10. Ipaampon sa **CARITAS Foundation**